

### „Svi na fakultet“

Mladi su budućnost ove zemlje. To nam zvuči tako izlišno, pogotovo ako dolazi od političara. Ali ako to kažu mladi, to je već nešto drugo. Iz Asocijacije studenata Općine Bužim koja je osmislila projekat „Svi na fakultet“ bi vjerovatno dodali: *Obrazovani* mladi su budućnost ove zemlje. SHL ih je podržao u namjeri da podstaknu što veći broj maturanata za upis na fakultet kroz njihovo upoznavanje s uslovim upisa na fakultet i studiranja po bolonjskom principima.



Da li je tvoj projekat realizovan onako kako si prvobitno naveo u svom prijedlogu projekta? Ukoliko ne, navedi izmjene i razloge: Projekat Asocijacije studenata općine Bužim (ASOB) pod nazivom «Svi na fakultet» je realizovan onako kako je bilo prvobitno zamišljeno. Projekat je realizovan kroz nekoliko faza: anketiranje učenika, prikupljanje materijala i informacija o fakultetima u BiH, selektovanje materijala i njihova prezentacija maturantima Srednje škole u Bužimu.

Da li je ispoštovan budžet projekta? Ukoliko nije molim te da navedeš izmjene kao i razloge za iste?

Budžet predviđen za projekat «Svi na fakultet» je ispoštovan jer je bio kvalitetno raspoređen i zbog toga uspješno primjenjen. Novčana sredstva su utrošena na kopiranje materijala za maturante, kopiranje cd-ova, kupovinu fascikli, štampanje majica, hemijskih olovaka kao i na plaćanje putnih troškova gostiju koji su uzeli učešće na prezentaciji.

Navedi i procjeni rezultat svake od projektnih aktivnosti ?

Sve projektne aktivnosti su uspješno realizovane. Prikupljanje i distribucija materijala o univerzitetima i uslovima upisa na visokoškolske institucije u BiH, na vrijeme i u predviđenom roku su podjeljeni maturantima Srednje škole u Bužimu. Učenici su posebno bili zadovoljni uručenim materijalima jer su na taj način jednostavno i bez poteškoća uspjeli saznati brojne informacije koje su ih zanimale.

Da li si i u kojoj mjeri ostavario željeni rezultat sa svojim projektom?

Projekat je osvario zapažen rezultat, tim više, jer je prvi projekat takve vrste u općini Bužim. Posebnu težinu svemu napisanom daje zadovoljstvo učenika koje su iskazali na kraju projekta.

Kakve promjene je tvoj projekat izazvao u tvojoj sredini?

Projekat je imao za cilj da upozna maturante, buduće studente, s načinom studiranja na univerzitetima u BiH. Na taj način željeli smo probuditi želju kod što većeg broja maturanata da se odluče za studiranje.

Kakvo je tvoje iskustvo sa programom FOP te da li bi se ponovo prijavio ili preporučio drugima?

Projekat „Svi na fakultet“ samo je jedan od bezbroj kvalitetnih i korisnih projekata koje je podržao FOP. Uloga koju pruža FOP kroz finansiranje projekata mladih vrlo je važna, posebno u zemlji kao što je Bosna i Hercegovina. Kroz druženje s fopovcima možete saznati ili pokrenuti mnoge projekte u vlastitim sredinama. Procedura za prijavljivanje projekata je jednostavna i zbog toga bih ga rado preporučio i drugima.

